



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

8. Magnam miseriam fore, si omnes in matrimonium dari oporteat.

urn:nbn:de:hbz:466:1-45686

perpetuam, sed ijs diebus, quibus in templo, vel tabernaculo ministrabant, obligabantur.

Frustra ergo inuehitur in veteres PP. Calvinus, quod continentiam conjugalem permiserint, cælibatum perpetuum approbarent, & virginitatem ac viduitatem coniugio prætulerint. Maleuolè S. Chrysostomum accusat *virginitatis nimium commendatæ, ac magnificatæ*. Arroganter scribit Hieronymus, quod coniugio virginitatem anteposuerit, *nimis luculentum maligni peruersiq; ingenij specimen edidisse*. Sed quid mirum, si SS. PP. inuadit, qui ne Apostolos quidem à censurâ sua eximit, quos, inter alia vitia, quæ illis obijcit, *impia ingratitude* arguit, quod Christo de matrimonij oneribus peroranti responderint: *si ita est causa hominis cum uxore, non expedit nubere*. Contendit enim, Christi mentem esse penitus contrariam, dissuadere scilicet, non suadere cælibatum, quem virtutem putare, censet esse *stultam imaginationem*. Cùm tamen Christus discipulorum suorum responsum non solum non improbet, sed & disertis verbis laudet, quando subiungit: *Non omnes capiunt verbum istud, sed quibus datum est*. Ac si dicat, non omnes capere, seu intelligere, vel gustare, cælibatum coniugij statu esse nobiliorem Deoque acceptiorem, ac proinde, abstinentiam à matrimonio, esse quoddam excellens Dei donum, communiq; hominum statu, iudicio, & desiderio superius. Quocirca, paulo post eandem laudem iterans & adaugens addit: *Et sunt Eunuchi, qui se ipsos castrauerunt, propter regnum calorum. Qui potest capere, capiat*. Quia, vt S. Paulus ait, *Beatior erit, si sic perman-*

VII.
Caluin, in 1.
Cor. 7. 5. seqq.
lib. 4. Instit.
c. 12. §. 28. &
cit. loc. Harm.

Matth. 19. 10.

1. Cor. 7. 40.

VIII.

His omnibus ostenditur, matrimonia tametsi à Deo introducta, sancta, & ad genus humanum longè lateq; propagandum necessaria, haud tamen ita singulis necessaria esse, vt in ea sese, vel inuiti conijcere teneantur: quæ cùm libera esse oporteat, & sæpe graues secum trahant difficultates, à quibus nonnulli vehementer abhorrent, possunt iniri, vel declinari. Miserrimi essent mortales, si omnes ad nuptias cogentur. Et fuit, qui cùm duceretur, suspendi mallet, quàm mulieri in maritum tradi, quæ eum à magistratu petebat. Vidit enim illam

N n

acuto

acuto naso, & viperinis dentibus biliosam. Multi in omnibus timent, quod iste in vna metuebat; atque idcirco ab omnibus refugiunt, ne in malum incidant, quod formidant. Debitur igitur hæc libertas relinqui; ne, qui in malam vxorem incidit, coniugiorum necessitatem accuset; sed sibi ascribat, quod eligit. Enimverò adeò multa coniuncta sunt cum matrimonio incommoda, vt necesse sit, vnde ea orientur, declarare; ne quodquam in sanctissimæ coniugalis legis Constitutorem culpam re fundat.

IX.

Ioan. 8. 44.
Isa. 19. 14.
Luther. t. 5.
in ferm. de
matrim.

Quòd antè, quàm facere incipio, non omittam apponere, quæ Calvinus ipse sibi contraria, super hoc argumento confudit, vt & Lutherus, ne nesciat Lector, hæresin, quæ in veritate non stetit, spiritu vertiginis agitari. Lutheri sunt ista: *Coniuentia, in terris quidem melior est, vt cui minus sollicitudinis, & calamitatis insit, nec sui ipsius causa, verum vt melius ad verbi Dei annunciationem, tum curam acrius animum intendat.* vt 1. Cor. Paulus refert. *Dei verbum eiusq; ministerium, Celibatuum matrimonio anteposunt; qua ratione Christus & Paulus in eodem claruerunt.* Quibus præmisit: *Nec ideo calibatuum & virginitatem reprobare mihi animus est; nec inde quenquam ad coniugale vinculum vitare.* Quod quomodo cum illis cohæret, quæ in eodem sermone, prope initium, dixit, his verbis? *Vt non est in meis viribus situm, vt vir non sim, tam non est mei iuris, vt absque muliere sim. Rursum, vt in tua manu non est, vt femina non sis, sic nec in te est, vt absque viro degas.* Nec enim libera est electio, aut consilium, sed res natura necessaria, vt marem femine, feminam mari sociari oporteat. Verbum enim hoc, quod Deus ait: *Crescite & multiplicamini,* non est præceptum, sed plusquam præceptum, diuinum potius opus, quod non est nostrarum virium, vel vt impediatur, vel vt omitatur: sed tam est necessarium, quàm vt masculus sim, magisq; necessarium, quàm edere, bibere, purgare, mucum emungere, somno & excubijs intentum esse. *Insita est natura & indoles, aequè atq; membra, quæ eò pertinent.* Quare vt nemini Deus in mandatu datur, vt sit mas, aut femina; sic nec vt sese multiplicent, præcipit; sed homines ita condit, vt mas aut femina sine, vtq; generationi studeant. *Quod si quisquam prohibere malitur, egregiè, vt est, perdat.* *suorum*